

毛詩故訓定本

齊雞鳴故訓傳第八

毛詩國風

齊國十一篇三十四章百四十三句

雞鳴三章章四句

雞鳴思賢妃也哀公荒淫怠慢故陳賢妃貞女夙夜警戒相成之道焉

雞既鳴矣朝既盈矣匪雞則鳴蒼蠅之聲 東方明矣朝既昌矣匪東方則明月出之光 蟲飛薨薨甘與子同夢會且歸矣無庶予子憎

雞既鳴矣朝既盈矣雞鳴而夫人作朝盈而君作也匪雞則鳴蒼蠅之聲蒼蠅之聲有似遠雞之鳴也東

方明矣朝既昌矣東方明則夫人纒筭而朝朝已昌  
盛則君聽朝也匪東方則明月出之光見月出之光  
以爲東方明也蟲飛薨薨甘與子同夢古之夫人妃  
其君子亦不忘其敬會且歸矣會會於朝也卿大夫  
朝會於君朝聽政夕歸治其家事無庶子子憎無見  
惡於夫人

還三章章四句

還刺荒也哀公好田獵從禽獸而無厭國人化之遂成  
風俗習於田獵謂之賢閑於馳逐謂之好焉

子之還兮遭我乎猎之閒兮竝驅從兩肩兮揖我謂我

儼兮 子之茂兮遭我乎猗之道兮竝驅從兩牡兮揖  
我謂我好兮 子之昌兮遭我乎猗之陽兮竝驅從兩  
狼兮揖我謂我臧兮

還便捷之貌

說文走部趨疾也讀若  
謹此詩正當作此字

猗山名從逐也

獸三歲曰肩儼利也

說文儼慧也  
慧利同意

茂美也昌盛也狼

獸名臧善也

### 著三章章三句

著刺時也時不親迎也

俟我於著乎而充耳以素乎而尚之以瓊華乎而 俟

我於庭乎而充耳以青乎而尚之以瓊瑩乎而 俟我

於堂乎而充耳以黃乎而尚之以瓊英乎而

俟待也

此謂俟卽  
埃之段借

門屏之閒曰著

爾雅作宁宁  
者段借字

素象

瑱瓊華美石士之服也青青玉瓊瑩石似玉卿大夫  
之服也黃黃玉瓊英美石似玉者人君之服也

東方之日二章章五句

東方之日刺衰也君臣失道男女淫奔不能以禮化也  
東方之日兮彼姝者子在我室兮在我室兮履我卽兮  
東方之月兮彼姝者子在我闥兮在我闥兮履我發  
兮

東方之日興也日出東方人君明盛無不照察也姝

者初昏之貌履禮也東方之月月盛於東方君明於上若日也臣察於下若月也闔門內也發行也

東方未明三章章四句

東方未明刺無節也朝廷興居無節號令不時挈壺氏不能掌其職焉

東方未明顛倒衣裳顛之倒之自公召之 東方未晞顛倒裳衣倒之顛之自公令之 折柳樊圃狂夫瞿瞿不能辰夜不夙則莫

上曰衣下曰裳晞明之始升說文昕旦明日將出也讀若希晞乾也傳於兼葭港露皆曰晞乾也此當云昕明之始升蓋因同音或改昕爲晞耳令告也折柳樊圃

桺柔脆之木樊藩也

此謂民借

圃菜園也折桺以爲藩園

爲字衍

無益於禁矣瞿瞿無守之貌古者有挈壺氏以

水火分日夜以告時於朝辰時夙早莫晚也

### 南山四章章六句

南山刺襄公也鳥獸之行淫乎其妹大夫遇是惡作詩而去之

南山崔崔雄狐綏綏魯道有蕩齊子由歸既曰歸止曷又懷止 葛屨五兩冠綏雙止魯道有蕩齊子庸止既曰庸止曷又從止 蓺麻如之何衡從其畝取妻如之何必告父母既曰告止曷又鞠止 析薪如之何匪斧

不克取妻如之何匪媒不得既曰得止曷又極止

南山崔崔雄狐綏綏興也南山齊南山也崔崔高大

兒國君尊嚴如南山崔崔然雄狐相隨綏綏然無別

失陰陽之匹蕩平易也齊子文姜也懷思也葛屨服

之賤者冠綏服之尊者庸用也蓺樹也蓺麻如之何

衡從其畝衡獵之從獵之種之然後得麻也

賈思勰齊民要

術曰凡種麻耕不熟縱橫七徧以上則麻無葉也此正合毛說獵猶踐也治也衡治之縱治之乃種之然後得麻韓詩從自由由從也古隨從與從橫不必分二音韓云東西耕曰橫南北耕曰由與毛義同

告父母必告父母廟也鞠窮也克能也極至也

甫田三章章四句



甫田大夫刺襄公也無禮義而求大功不修德而求諸  
侯志大心勞所以求者非其道也

無田甫田維秀驕驕無思遠人勞心忉忉 無田甫田  
維莠桀桀無思遠人勞心怛怛 婉兮變兮總角卅兮  
未幾見兮突若弁兮

無田甫田維秀驕驕興也甫大也大田過度而無人  
功終不能獲無思遠人勞心忉忉忉忉憂勞也言無  
德而求諸侯徒勞其心忉忉耳桀桀猶驕驕也怛怛  
猶忉忉也婉變少好貌總角聚兩髦也卅幼穉也

古文卯字出說文禮記內則以卯弁冠也  
爲嬰字此釋卅爲幼穉其意同也

盧令三章章二句

盧令刺荒也襄公好田獵畢弋而不脩民事百姓苦之故陳古以風焉

盧令令其人美且仁 盧重環其人美且鬋 盧重鉤其人美且偲

盧令令其人美且仁盧田犬令令纓環聲言人君能有美德盡其仁愛百姓欣而奉之愛而樂之順時遊

田與百姓共其樂同其獲故百姓聞而說之其聲令

令然重環子母環也鬋好貌說文曰鬋髮好兒者因其字之从髟也本是髮

好因申爲此謂偲爲才之段幾一環貫二也偲才也借說文云偲彊也

引此詩蓋亦用毛義

敝笱三章章四句

敝笱刺文姜也齊人惡魯桓公微弱不能防閑文姜使至淫亂爲二國患焉

敝笱在梁其魚魴鰈齊子歸止其從如雲 敝笱在梁其魚魴鰈齊子歸止其從如雨 敝笱在梁其魚唯唯齊子歸止其從如水

敝笱在梁其魚魴鰈與也鰈大魚

說文曰鰈魚也蓋出於毛詩魴鰈

皆魚名耳本無大字或加之以駁鄭

如雲言盛也魴鰈大魚

此當云魴魚也

雨言多也唯唯出入不制水喻眾也

載驅四章章四句

載驅齊人刺襄公也無禮義故盛其車服疾驅於通道  
大都與文姜淫播其惡於萬民焉

載驅薄薄簟茀朱韞魯道有蕩齊子發夕 四驥濟濟  
垂轡僛僛魯道有蕩齊子豈茀 汶水湯湯行人彭彭  
魯道有蕩齊子翱翔 汶水滔滔行人儻儻魯道有蕩  
齊子遊敖

薄薄疾驅聲也簟茀朱韞簟方文席也車之蔽曰茀  
諸侯之路車有朱革之質而羽飾發夕自夕發至旦  
四驥言物色盛也濟濟美貌垂轡轡之垂者爾爾眾

也

說文爾字  
本義如此

齊子豈弟言文姜於是樂易然湯湯大

貌彭彭多貌翱翔猶徜徉也滔滔流貌儻儻眾貌

猗嗟三章章六句

猗嗟刺魯莊公也齊人傷魯莊公有威儀技藝然而不能以禮防閑其母失子之道人以為齊侯之子焉

猗嗟昌兮頎若長兮抑若揚兮美目揚兮巧趨踰兮射則臧兮 猗嗟名兮美目清兮儀既成兮終日射侯不出正兮展我甥兮 猗嗟變兮清揚婉兮舞則逸兮射則貫兮四矢反兮以禦亂兮

猗嗟歎辭昌盛也頎長貌也抑美色揚廣場美曰揚

兮好目揚眉也踰巧趨貌目上爲名目下爲清二尺  
曰正外孫曰甥此謂父之外孫爲吾甥也王肅說是以上見下則云外孫曰甥以下見上  
則云姊妹之夫爲甥謂子之姊妹之夫爲吾甥也云  
姑之子爲甥謂子之姑之子爲吾甥也舅之子爲甥  
妻之舅弟爲甥皆如是解鄭箋姊妹之子爲甥語不  
見爾雅卽爾雅之姑之子爲甥與毛傳無二義也

變壯好貌婉好眉目也選齊貫中也四矢乘矢

魏葛屨故訓傳第九

毛詩國風

魏國七篇十八章百二十八句

葛屨二章一章六句一章五句

葛屨刺褊也魏地陘隘其民機巧趨利其君儉嗇褊急而無德以將之

糾糾葛屨可以履霜摻摻女手可以縫裳要之襪之好人服之 好人提提宛然左辟佩其象揅維是褊心是以爲刺

糾糾葛屨可以履霜糾糾猶繚繚也夏葛屨冬皮屨葛屨非所以履霜摻摻猶織織也

猶繚繚也猶織織也皆以漢人語言

通之謂若今言某某是也此婦人三月廟見然後執

別爲一例與漂猶吹不同

婦功要褻也褻當是本作要淺人加衣耳如禮記玉藻深衣等篇言衣服皆作要禮喪服注

曰衣帶下者要也字不从衣傳本謂此要乃人衣帶

下之要非人身要領之要古人傳注有此義例如序

卦傳蒙者蒙也比者比也擗風襪領也好人女手之

傳虛虛也說文已已也皆此例人此从正提提安諦也宛然左辟宛辟貌婦至門夫

揖而入不敢當尊宛然而左辟象掃所以爲飾

汾沮洳三章章六句

汾沮洳刺儉也其君子儉以能勤刺不得禮也

彼汾沮洳言采其莫彼其之子美無度美無度殊異乎

公路 彼汾一方言采其桑彼其之子美如英美如英



殊異乎公行 彼汾一曲言采其蘋彼其之子美如玉  
美如玉殊異乎公族

汾水也沮洳其漸洳者莫菜也路車也萬人爲英公  
行從公之行也賈水鳥也公族公屬

園有桃二章章十二句

園有桃刺時也大夫憂其君國小而迫而儉以嗇不能  
用其民而無德教日以侵削故作是詩也

園有桃其實之穀心之憂矣我歌且謠不我知者謂我  
士也驕彼人是哉子曰何其心之憂矣其誰知之其誰  
知之蓋亦勿思 園有棘其實之食心之憂矣聊以行

國不我知者謂我士也罔極彼人是哉子曰何其心之憂矣其誰知之其誰知之蓋亦勿思

園有桃興也園有桃其實之穀國有民得其力曲台樂曰歌徒歌曰謠彼人是哉子曰何其夫人謂我欲何爲乎棘棗也

對文則棘爲小棗叢生者散文則二字一也

極中也

### 陟岵三章章六句

陟岵孝子行役思念父母也國迫而數侵削役乎大國父母兄弟離散而作是詩也

陟彼岵兮瞻望父兮父曰嗟予子

句

行役夙夜無已上

慎旃哉猶來無止

子已止韻

陟彼屺兮瞻望母兮母曰嗟

子季

句

行役夙夜無寐上慎旃哉猶來無棄

季寐棄韻

陟

彼岡兮瞻望兄兮兄曰嗟子弟

句

行役夙夜必偕上慎

旃哉猶來無死

弟偕死韻

山無草木曰岵上慎旃哉猶來無止旃之猶可也父

尚義也山有草木曰岵

岵取瓠落之意岵取黃滋之意毛公所見爾雅似勝

少子也無寐無耆寐也猶來無棄母尚恩也偕俱也

猶來無死兄尚親也

十畝之閒二章章三句

十畝之閒刺時也言其國削小民無所居焉

十畝之閒兮桑者閒閒兮行與子還兮十畝之外兮

毛詩傳

卷九 魏

三

桑者泄泄兮行與子逝兮

閒閒然男女無別往來之貌

往來卽下文行還也

行與子還或

行來者或來還者泄泄多人之貌

伐檀三章章九句

伐檀刺貪也在位貪鄙無功而受祿君子不得進仕爾  
坎坎伐檀兮寘之河之干兮河水清且漣漪不稼不穡  
胡取禾三百廛兮不狩不獵胡瞻爾庭有縣貍兮彼君  
子兮不素餐兮 坎坎伐輻兮寘之河之側兮河水清  
且直漪不稼不穡胡取禾三百億兮不狩不獵胡瞻爾  
庭有縣特兮彼君子兮不素食兮 坎坎伐輪兮寘之

河之滸兮河水清且淪猗不稼不穡胡取禾三百囷兮  
不狩不獵胡瞻爾庭有縣鵝兮彼君子兮不素飭兮

坎坎伐檀兮寘之河之干兮河水清且漣猗坎坎伐

檀聲寘置也

寘者寘之爲文寘塞也从穴眞聲東山  
箋云古者聲寘填塵同因毛訓置讀之

豉反

干旿也風行水成文曰漣伐檀以俟世用若俟

河水清且漣種之曰稼斂之曰穡一夫之居曰廬貍

獸名素空也輻檀輻也側猶旿也

蒙上章爲訓故曰猶

直直波

也萬萬曰億獸三歲曰特

虞召弓云齊傳曰三歲曰  
肩卯傳云三歲曰豨矣則

此三當作四廣雅之所本也玉裁謂鄭司農注周禮  
云三歲爲特四歲爲肩與毛互異肩豨同字如菑豨  
同字輪檀可以爲輪漣旿也淪小風水成文轉如輪也

圓者爲困鶉鳥也孰食曰殮

碩鼠三章章八句

碩鼠刺重斂也國人刺其君重斂蠶食於民不脩其政  
貪而畏人若大鼠也

碩鼠碩鼠無食我黍三歲貫女莫我肯顧逝將去女適  
彼樂土樂土樂土爰得我所 碩鼠碩鼠無食我麥三  
歲貫女莫我肯德逝將去女適彼樂國樂國樂國爰得  
我直 碩鼠碩鼠無食我苗三歲貫女莫我肯勞逝將  
去女適彼樂郊樂郊樂郊誰之永號

貫事也得我直得其直道苗嘉穀也

生民曰誕降嘉穀維夔維芑

赤苗芑白苗古者謂禾爲苗故說文禾字環芑字下  
皆云嘉穀也此篇一二章言黍麥三章言禾何休說  
春秋曰生曰苗秀曰禾玉裁  
謂對文則別散文則一也 號呼也

唐蟋蟀故訓傳第十 毛詩國風

唐國十二篇三十三章二百三句

蟋蟀三章章八句

蟋蟀刺晉僖公也儉不中禮故作是詩以閔之欲其及時以禮自虞樂也此晉也而謂之唐本其風俗憂深思遠儉而用禮乃有堯之道風焉

蟋蟀在堂歲聿其莫今我不樂日月其除無已大康職思其居好樂無荒良士瞿瞿 蟋蟀在堂歲聿其逝今我不樂日月其邁無已大康職思其外好樂無荒良士蹶蹶 蟋蟀在堂役車其休今我不樂日月其慆無已



大康職思其憂好樂無荒良士休休

蟋蟀在堂蟋蟀蓋也九月在堂聿遂除去也已甚康樂職主也荒大也瞿瞿然顧禮義也邁行也外禮樂之外蹶蹶動而敏於事愾過也憂可憂也休休樂道之心

山有樞三章章八句

山有樞刺晉昭公也不能修道以正其國有財不能有用鐘鼓不能以自樂有朝廷不能洒掃政荒民散將以危亾四鄰謀取其國家而不知國人作詩以刺之也  
山有樞隰有榆子有衣裳弗曳弗婁子有車馬弗馳弗

驅宛其死矣他人是愉 山有栲櫟有柎子有廷內弗  
洒弗埽子有鐘鼓弗擊弗考宛其死矣他人是保 山  
有漆隰有栗子有酒食何不日鼓瑟且以喜樂且以永  
日宛其死矣他人入室

山有樞隰有榆興也樞莖也國君有財貨而不能  
用如山隰不能自用其財婁亦曳也宛死貌愉樂也栲  
山樗柎櫨也洒灑也 此謂段借說文曰洒灑也古文以爲灑埽字 考亦擊  
也保安也何不日鼓瑟君子無故琴瑟不離於側也  
永引也

揚之水三章二章章六句一章四句

揚之水刺晉昭公也昭公分國以封沃沃盛強昭公微弱國人將叛而歸沃焉

揚之水白石鑿鑿素衣朱襮從子于沃既見君子云何不樂 揚之水白石皓皓素衣朱繡從子于鵠既見君子云何其憂 揚之水白石粼粼我聞有命不敢以告

人

揚之水白石鑿鑿興也鑿鑿然鮮明貌

鑿同粟于洛反謂鮮白如

聚米也素衣朱襮襮領也諸侯繡繡丹朱中衣沃曲沃

也皓皓潔白也繡繡也

白與黑謂之繡五采備謂之繡傳合爲一者對文則二散

文則互訓也爾雅繡領謂之襮孫炎曰繡刺繡文以襮領詩上章言襮此章言繡祇是一事魯詩繡作繡

不若  
毛長 鵠曲沃邑也云何其憂言無憂也粼粼清澈也  
我聞有命不敢以告人聞曲沃有善政命不敢以告  
人

椒聊二章章六句

椒聊刺晉昭公也君子見沃之盛彊能修其政知其蕃  
衍盛大子孫將有晉國焉

椒聊之實蕃衍盈升彼其之子碩大無朋椒聊且遠條  
且 椒聊之實蕃衍盈匊彼其之子碩大且篤椒聊且  
遠條且

椒聊之實蕃衍盈升與也椒聊椒也

傳不以聊爲語  
詞椒聊疊字疊

韻單呼曰椒系呼曰椒聊阮氏元云朋比也傳讀必

箋以抹釋聊爾雅杙者聊杙卽抹也屢反孫

也是條長也兩手曰翁篤厚也椒聊且遠條且言聲

之遠聞也此總釋二章也汪氏龍曰此六字當本在

解典體喻桓叔政教愚謂  
聲當作馨芬芳條邕之意

綢繆刺晉亂也國亂則昏姻不得其時焉

綢繆束薪三星在天今夕何夕見此頁人子兮子兮如

此頁人何 綢繆束芻三星在隅今夕何夕見此邂逅

子兮子兮如此邂逅何 綢繆束楚三星在戶今夕何

夕見此粲者子兮子兮如此粲者何

綢繆束薪興也綢繆猶纏綿也三星參也在天謂始  
見東方也男女待禮而成若薪芻待人事而後求也  
三星在天可以嫁取矣良人美室也子兮子兮者嗟  
茲也茲當作嗟說文曰嗟  
嗟今俗作嗟咨非也隅東南隅也邂逅解說之  
貌在戶參星正月中直戶也三女爲粲大夫一妻二  
妾

林杜二章章九句

林杜刺時也君不能親其宗族骨肉離散獨居而無兄  
弟將爲沃所并爾

有林之杜其葉涓涓獨行踽踽豈無他人不如我同父

三言作 卷一  
嗟行之人胡不比焉人無兄弟胡不飲焉 有杖之杜  
其葉菁菁獨行曷曷豈無他人不如我同姓嗟行之人  
胡不比焉人無兄弟胡不飲焉

有杖之杜其葉滑滑興也杖特兒

顏氏家訓  
作獨兒

杜赤棠

也滑滑枝葉不相比也踽踽無所親也飲助也菁菁  
葉盛也曷曷無所依也同姓同祖也

羔裘二章章四句

羔裘刺時也晉人刺其在位不恤其民也

羔裘豹祛自我人居居豈無他人維子之故 羔裘豹

裘自我人究究豈無他人維子之好

羔裘豹祛祛袂末也

从定本有末字玉藻說  
袂二尺二寸祛尺二寸

本末不

同

本謂  
美

在位與民異心自用也居居懷惡不相親比

之兒褻猶祛也

袖祛木義不  
同故云猶

究究猶居居也

鴝羽三章章七句

鴝羽刺時也昭公之後大亂五世君子下從征役不得  
養其父母而作是詩也

肅肅鴝羽集于苞栩王事靡盬不能蓺稷黍父母何怙  
悠悠蒼天曷其有所 肅肅鴝翼集于苞棘王事靡盬  
不能蓺黍稷父母何食悠悠蒼天曷其有極 肅肅鴝  
行集于苞桑王事靡盬不能蓺稻粱父母何嘗悠悠蒼



天曷其有常

肅肅鵠羽集于苞栩與也肅肅羽聲也集止苞積栩

柔也鵠之性不樹止豔不攻致也怙恃也行翻也行翻

求諸雙聲合韻詁訓之法如此羽翼翻以類相從不釋爲行列也

無衣二章章三句

無衣美晉武公也美或作刺誤武公始并晉國其大夫爲之

請命乎天子之使而作是詩也

豈曰無衣七兮不如子之衣安且吉兮 豈曰無衣六

兮不如子之衣安且奧兮

七侯伯之禮七命冕服七章也不如子之衣安且吉

兮諸侯不命於天子則不成爲君六天子之制六命  
車旗衣服以六爲節也與煖也

有林之杜二章章六句

有林之杜刺晉武公也武公寡特兼其宗族而不求賢

以自輔焉

林杜傳云林特貌武公寡特故以有林起興

有林之杜生於道左彼君子兮噬芻適我中心好之曷  
飲食之 有林之杜生於道周彼君子兮噬芻來游中  
心好之曷飲食之

有林之杜生於道左興也道左之陽人所宜休息也

噬逮也

此謂  
段借

周曲也遊觀也

葛生五章章四句

葛生刺晉獻公也好攻戰則國人多喪矣

葛生蒙楚薺蔓于野予美亾此誰與獨處 葛生蒙棘

薺蔓于域予美亾此誰與獨息 角枕粲兮錦衾爛兮

予美亾此誰與獨旦 夏之日冬之夜百歲之後歸于

其居 冬之夜夏之日百歲之後歸于其室

葛生蒙楚薺蔓于野興也葛生延而蒙楚薺生蔓於

野喻婦人外成於他家域營域也營岳本作瑩 息止也角

枕粲兮錦衾爛兮齋則角枕錦衾禮夫不在斂枕篋

衾席鞠而藏之夏之日冬之夜言長也室猶居也

采芑三章章八句

采芑刺晉獻公也獻公好聽讒焉

采芑采芑首陽之顛人之爲言

定本作爲言古爲僞通也

芑亦無信

舍旃舍旃芑亦無然人之爲言胡得焉

采苦采苦首

陽之下人之爲言芑亦無與舍旃舍旃芑亦無然人之

爲言胡得焉

采葑采葑首陽之東人之爲言芑亦無

從舍旃舍旃芑亦無然人之爲言胡得焉

采芑采芑首陽之顛興也芑大苦也首陽山名也采

芑細事也首陽幽僻也細事喻小行也幽僻喻無徵

也苟誠也

此謂芑卽果之段借雙聲段借也

苦苦菜也無與勿用也

葯菜名也

秦車鄰故訓傳第十一 毛詩國風

秦國十篇二十七章百八十一句

車鄰三章一章四句二章章六句

車鄰美秦仲也秦仲始大有車馬禮樂侍御之好焉  
有車鄰鄰有馬白顛未見君子寺人之令 阪有漆隰  
有栗既見君子竝坐鼓瑟今者不樂逝者其耄 阪有  
桑隰有楊既見君子竝坐鼓簧今者不樂逝者其亾

鄰鄰眾車聲也白顛顛顛額也寺人內小臣也阪有漆  
隰有栗興也阪者曰阪下溼曰隰既見君子竝坐鼓  
瑟又見其禮樂焉耄老也八十曰耄簧笙也亾喪棄

也

駟鐵三章章四句

駟鐵美襄公也始命有田狩之事園囿之樂焉

駟鐵孔阜六轡在手公之嬭子從公于狩 奉時辰牡

辰牡孔碩公曰左之舍拔則獲 游于北園四馬旣閑

輶車鸞鑣載獫狝駟

鐵驪阜大也嬭子能以道嬭於上下者冬獵曰狩時

是辰時也冬獻狼夏獻麋春秋獻鹿豕羣獸拔矢末

也 謂矢括 閑習也輶輕也獫狝駟田犬也長喙曰獫短

喙曰狝駟 即獨獫之段借

小戎三章章十句

小戎美襄公也備其兵甲以討西戎西戎方疆而征伐不休國人則矜其車甲婦人能閔其君子焉

小戎伐收五檠梁輶游環脅驅陰鞞塗續文茵暢轂駕我騏驎言念君子溫其如玉在其板屋亂我心曲 四  
牡孔阜六轡在手騏驎是中駟驪是驂龍盾之合蓋以  
艘輶言念君子溫其在邑方何爲期胡然我念之 伐  
駟孔羣公矛盜錞蒙伐有苑虎韞鏤膺交鞞二弓竹閉  
緄滕言念君子載寢載興厭厭良人秩秩德音

小戎兵車也伐淺收軫也五五束也檠歷錄也梁輶



輶上句衡也一輶五束束有歷錄游環靳環也游在背上所以禦出也脅驅慎駕具所以止入也陰揜軌

也

單呼軌奈呼揜軌

鞞所以引也蓋白金也

爾雅白金美者謂之錄無蓋字

毛公蓋白金者蓋卽錄之異文說文引沃以馥鞞

牙沃錡字皆作沃蓋毛詩本作沃後人加金旁妄

入說文耳沃聲奈聲續續鞞也文茵文今脫虎皮也

聲類同故段沃爲錄續續鞞也文茵文今脫虎皮也

爾雅斥山文皮謂虎豹之皮說文彪虎文彪也彪虎

文也漢書楚人謂虎於擇謂虎文班上林賦被班衣

輿服志虎賁騎騎冠虎文單衣此皆虎皮爲文之證

傳不釋茵者以人所易知也許慎則云茵車中重席

暢鞞長鞞也廣雅曰暢長騏綦文也此依正義及李善

說文綦左足白曰鼻板屋西戎板屋也黃馬黑喙曰

蒼艾色

駟龍盾畫龍其盾也合合而載之輶駟內轡也在邑

在敵邑也。俊駟，四介馬也。孔，甚也。去，矛三隅，矛也。鐔

鐔也。蒙，討羽也。

說文：討，訓治也。猶亂，訓治也。取其紛亂而理之，曰討。討羽，猶言亂羽。此鄭

以龍釋蒙，以雜釋討之意。

伐中干也。

伐，或作駮。駮是本字。伐是段借字。

苑文：貌虎

虎皮也。韞，弓室也。膺，馬帶也。交，韞交二弓於韞中也。閉，紕，緹，繩，滕，約也。厭，厭，安靜也。秩，秩，有知也。

### 蒹葭三章章八句

蒹葭刺襄公也。未能用周禮，將無以固其國焉。

蒹葭蒼蒼，白露爲霜。所謂伊人，在水一方。溯洄從之道，阻且長。溯游從之，宛在水中央。蒹葭萋萋，白露未晞。所謂伊人，在水之湄。溯洄從之道，阻且躋。溯游從之，宛

在水中坻 蒹葭采采白露未已所謂伊人在水之涘  
遡洄從之道阻且右遡游從之宛在水中沚

蒹葭蒼蒼白露爲霜興也蒹蒹葭蘆也蒼蒼盛也白  
露凝戾爲霜然後歲事成國家待禮然後興伊維也  
一方難至矣遡洄從之道阻且長遡游從之宛在水  
中央逆流而上曰遡洄逆禮則莫能以至也順流而  
涉曰遡游順禮未濟道來迎之萋萋猶蒼蒼也晞乾  
也涓水隙也躋升也坻小渚也小渚當作小沚乃合  
爾雅坻沚同訓不可  
通聲之采采猶萋萋也未已猶未止也涘厓也右出  
誤也 其右也小渚曰沚

終南二章章六句

終南戒襄公也能取周地始爲諸侯受顯服大夫美之  
故作是詩以戒勸之

終南何有有條有梅君子至止錦衣狐裘顏如渥丹其  
君也哉 終南何有有紀有堂君子至止黻衣繡裳佩  
玉將將壽考不忘

終南何有有條有梅興也終南周之名山中南也條

稻梅栢也

謂言山所宜

以戒不宐也

此說起興戒勸之意

錦衣采

衣也

正義作采衣各本作采色

狐裘朝廷之服紀基也

此謂段借堂畢

道如堂也

定本作平如堂非也此自兩崖壁立言之故釋丘云畢堂牆若云平如堂則自道言

之黑與青謂之黻五色備謂之繡矣

黃鳥三章章十二句

黃鳥哀三良也國人刺穆公以人從死而作是詩也

交交黃鳥止于棘誰從穆公子車奄息維此奄息百夫之特臨其穴惴惴其慄彼蒼者天殲我良人如可贖兮人百其身 交交黃鳥止于桑誰從穆公子車仲行維此仲行百夫之防臨其穴惴惴其慄彼蒼者天殲我良人如可贖兮人百其身 交交黃鳥止于楚誰從穆公子車鍼虎維此鍼虎百夫之禦臨其穴惴惴其慄彼蒼者天殲我良人如可贖兮人百其身

交交黃鳥止于棘興也交交小貌黃鳥以特往來得其所人以壽命終亦得其所子車氏奄息名百夫之特乃特百夫之德惴惴懼也蠶盡良善也防比也

此謂

防卽比方字徐  
邈云毛音方 禦當也

晨風三章章六句

晨風刺康公也忘穆公之業始棄其賢臣焉

飲彼晨風鬱彼北林未見君子憂心欽欽如何如何忘我實多 山有苞櫟隰有六駁未見君子憂心靡樂如何如何忘我實多 山有苞棣隰有樹檉未見君子憂心如醉如何如何忘我實多

歎彼晨風鬱彼北林興也歎疾飛貌晨風鷗也鬱積也北林林名也先君招賢人賢人往之駛疾如晨風之飛入北林憂心欽欽思望之心申欽欽然忘我實多今則忘之矣櫟木也駁如馬倨牙食虎豹棣唐棣也棣赤羅也

無衣三章章五句

無衣刺用兵也秦人刺其君好攻戰亟用兵而不與民同欲焉

豈曰無衣與子同袍王于興師修我戈矛與子同仇  
豈曰無衣與子同澤王于興師修我矛戟與子偕作

豈曰無衣與子同裳王子興師修我甲兵與子偕行

豈曰無衣與子同袍興也袍襦也上與百姓同欲則

百姓樂致其死王子興師修我戈矛與子同仇戈長

六尺六寸矛長二丈天下有道則禮樂征伐自天子

出仇匹也澤潤澤也

潤澤毛時古語故鄭申之曰蓑衣

作起也行往

也

### 渭陽二章章四句

渭陽康公念母也康公之母晉獻公之女文公遭麗姬之難未反而秦姬卒穆公納文公康公時爲大子贈送文公于渭之陽念母之不見也我見舅氏如母存焉及



其卽位思而作是詩也

我送舅氏曰至渭陽何以贈之路車乘黃 我送舅氏  
悠悠我思何以贈之瓊瑰玉佩

母之昆弟曰舅贈送也乘黃四馬也瓊瑰石而次玉  
權輿二章章五句

權輿刺康公也忘先君之舊臣與賢者有始而無終也  
於我乎夏屋渠渠今也每食無餘于嗟乎不承權輿  
於我乎每食四簋今也每食不飽于嗟乎不承權輿  
夏大也承繼也權輿始也四簋黍稷稻粱

陳宛丘故訓傳第十二

毛詩國風

陳國十篇二十六章百二十四句

宛丘三章章四句

宛丘刺幽公也淫荒昏亂游蕩無度焉

子之湯兮宛丘之上兮洵有情兮而無望兮 坎其擊

鼓宛丘之下無冬無夏值其鷺羽 坎其擊缶宛丘之

道無冬無夏值其鷺羽

子大夫也湯蕩也

此謂  
段借

四方高中央下曰宛丘洵信

也坎坎擊鼓聲值持也鷺羽鷺鳥之羽可以爲翳盎

謂之缶翳翳也

東門之枌三章章四句

東門之枌疾亂也幽公淫荒風化之所行男女棄其舊業亟會於道路歌舞於市井爾

東門之枌宛丘之栩子仲之子婆娑其下 穀旦于差南方之原不績其麻市也婆娑 穀旦于逝越以駸邁視爾如蒺貽我握椒

東門之枌宛丘之栩枌白榆也栩柔也國之交會男女之所聚子仲陳大夫氏婆娑舞也穀善也原大夫氏逝往駸數邁行也蒺芑芑也椒芳物

依定本

衡門三章章四句

衡門誘僖公也。愿而無立志，故作是詩以誘掖其君也。  
衡門之下，可以棲遲。泌之洋洋，可以樂飢。豈其食魚，  
必河之魴？豈其取妻，必齊之姜？豈其食魚，必河之鯉？  
豈其取妻，必宋之子？

衡門，衡木爲門。言淺陋也。棲遲，遊息也。泌，泉水也。洋，

洋廣大也。樂飢，可以樂道，忘飢。

沈重云：舊皆作樂字。晚詩本有作疒下樂。

陸德明云：毛本止作樂，鄭本作療。顏師古定本亦作樂。飢，正義本經文作療。飢，此正。沈所謂晚本，援鄭以改毛者也。或云：樂道忘飢，乃王肅語。入毛傳，殊爲無事。自擾。

### 東門之池三章章四句

東門之池，刺時也。疾其君之淫昏而思賢女以配君子。

也

東門之池可以漚麻彼美叔姬可與晤歌 東門之池

可以漚紵彼美叔姬可與晤語 東門之池可以漚菅

彼美叔姬可與晤言

釋文叔音叔按音叔猶如字也以別於作且七也反正同正義

以別於作且七也反正同正義  
作淑姬卽釋文之亦作本也

東門之池可以漚麻興也池城池也漚柔也晤遇也

此謂晤爲  
還之段借言道也

東門之楊二章章四句

東門之楊刺時也昏姻失時男女多違親迎女猶有不

至者也

東門之楊其葉牂牂昏以爲期明星煌煌 東門之楊  
其葉肺肺昏以爲期明星皙皙

東門之楊其葉牂牂興也牂牂然盛貌言男女失時  
不逮秋冬昏以爲期明星煌煌期而不至也肺肺猶  
牂牂也皙皙猶煌煌也

墓門二章章六句

墓門刺陳佗也陳佗無良師傅以至於不義惡加於萬  
民焉

墓門有棘斧以斯之夫也不良國人知之知而不已誰  
昔然矣 墓門有梅有鴉萃止夫也不良歌以諱止

依釋

文廣

諄予不顧

依王逸離騷注

顛倒思子

墓門有棘斧以斯之興也墓門墓道之門斯析也幽  
閒希行用生此棘薪維斧可以開析之夫傅相也昔  
夕也夕各本多誤作久誰夕猶今人云不記梅杵也  
是何日也記云疇昔之夜疇誰正同

鴉惡聲之鳥也萃集也諄告也

防有鶴巢二章章四句

防有鶴巢憂讒賊也宣公多信讒君子憂懼焉

防有鶴巢邛有旨苕誰侮子美心焉忉忉 中唐有贊

邛有旨鷓誰侮子美心焉惕惕

防有鶴巢邛有旨苕興也防邑也邛丘也苕草也侮

俯張誑也中中庭也唐堂塗也璧令適也鵲綬草也  
惕惕猶切切也

月出三章章四句

月出刺好色也在位不好德而說美色焉

月出皎兮佼人僚兮舒窈窕兮勞心悄悄兮 月出皓兮

佼人劉兮舒憂受兮勞心慄兮 月出照兮佼人燎兮

舒天紹兮勞心慄兮

慄各本作  
慘疑誤

月出皎兮興也皎月光也僚好兒舒遲也窈窕舒之

萎也悄悄憂也

株林二章章四句



株林刺靈公也淫乎夏姬驅馳而往朝夕不休息焉

胡爲乎株林從夏南兮匪適株林從夏南兮

正義本有二兮

駕我乘馬說于株野乘我乘驕

驕株合韻也鄭云馬六尺以下曰驕卽南有喬

木之五尺以上曰駒也然則喬木亦當作驕矣皇皇者華我馬

生驕見說文朝食于株

株林夏氏邑也夏南夏徵舒也大夫乘驕

澤陂三章章六句

澤陂刺時也言靈公君臣淫於其國男女相說憂思感傷焉

彼澤之陂有蒲與荷有美一人傷如之何寤寐無爲涕

泗滂沱 彼澤之陂有蒲與蒹有美一人碩大且卷寤

寐無爲中心悄悄 彼澤之陂有蒲菡萏有美一人碩  
大且儼寤寐無爲展轉伏枕

彼澤之陂有蒲與荷興也陂澤障也荷夫渠也傷如

之何傷無禮也自目曰涕自鼻曰泗蘭蘭也

鄭云蘭當作蓮

易傳也釋文正義皆不誤今本改蘭作蘭非是鄭知  
蘭必當作蓮者鄭風蘭傳已云蘭也則例此可不傳  
故知蘭必蓮誤同 卷好兒悄悄猶悒悒也

悒古祗作邑

菡荷華也儼矜莊兒

檜羔裘故訓傳第十三

毛詩國風

檜國四篇十二章四十五句

羔裘三章章四句

羔裘大夫以道去其君也國小而迫君不用道好絜其衣服消搖遊燕而不能自強於政治故作是詩也

羔裘消搖狐裘以朝豈不爾思勞心切切 羔裘翩翩狐裘在堂豈不爾思我心憂傷 羔裘如膏日出有曜豈不爾思中心是悼

羔裘消搖狐裘以朝羔裘以遊燕狐裘以適朝勞心切切國無政令使我心勞堂公堂也羔裘如膏日出

有曜日出照曜然後見其如膏悼動也

素冠三章章三句

素冠刺不能三年也

庶見素冠兮棘人樂樂兮勞心博博兮 庶見素衣兮

我心傷悲兮聊與子同歸兮 庶見素韠兮我心蘊結

兮聊與子如一兮

庶幸也素冠練冠也棘急也樂樂瘠貌

此謂假樂爲  
樂也樂羸也

博博憂勞也庶見素衣兮素冠故素衣也聊與子同

歸願見有禮之人與之同歸子夏三年之喪畢見於

夫子援琴而弦衍衍而樂作而曰先王制禮不敢不

及謂不立遠樂也。夫子曰：君子也。閔子騫三年之喪，畢見於

夫子，援琴而弦，切切而哀，作而曰：先王制禮，不敢過

也。謂不立，猶哀也。夫子曰：君子也。子路曰：敢問何謂也？夫子

曰：子夏哀已盡，能引而致之於禮，故曰君子也。閔子

騫哀未盡，能自割以禮，故曰君子也。夫三年之喪，賢

者之所輕也。猶易也。不肖者之所勉也。閔可以規，賢者卜可以規，不肖者

隰有萋楚三章章四句

隰有萋楚，疾恣也。國人疾其君之淫恣而思無情慾者

也。

隰有萋楚，猗薺其枝，天之沃沃，樂子之無知。隰有萋

楚猗儺其華天之沃沃樂子之無家 隰有萋楚猗儺  
其實天之沃沃樂子之無室

隰有萋楚猗儺其枝興也萋楚鉞弋也猗儺柔順也  
天少也沃沃壯佼也

匪風三章章四句

匪風思周道也國小政亂憂及禍難而思周道焉

匪風發兮匪車偈兮顧瞻周道中心怛兮 匪風飄兮

匪車票兮顧瞻周道中心弔兮 誰能亨魚概之釜鬯

釋文誰將西歸懷之好音

匪風發兮發發飄風非有道之風匪車偈兮偈偈疾

驅非有道之車願瞻周道中心怛兮怛傷也下國之  
亂周道滅也迴風爲飄粟粟無節度也弔傷也誰能  
亨魚概之釜鷺概滌也鷺釜屬亨魚煩則碎治民煩  
則散知亨魚則知治民矣誰將西歸懷之好音周道  
在乎西懷歸也

曹蜉蝣故訓傳第十四

毛詩國風

曹國四篇十五章六十八句

蜉蝣三章章四句

蜉蝣刺奢也國小而迫無法以自守好奢而任小人將無所依焉

蜉蝣之羽衣裳楚楚心之憂矣於我歸處 蜉蝣之翼

采采衣服心之憂矣於我歸息 蜉蝣堀閱 依說文作堀各本作

掘麻衣如雪心之憂矣於我歸說

蜉蝣之羽興也蜉蝣渠略也朝生夕死猶有羽翼以

自脩飾 猶疑當作獨 楚楚鮮明貌采采衆多也息止也堀

毛詩傳

卷十四

曹

一



閱容閱也

掘閱雙字猶風賦之空穴來風李善注引莊子作空閱來風空孔一也閱穴一也傳

云容閱亦是雙聲疊韻字容閱卽史所謂如雪言鮮容頭過身謂浮游自孔穴而出羽必新也

絜

候人四章章四句

候人刺近小人也其公遠君子而好近小人焉

彼候人兮何戈與祲彼其之子三百赤芾 維鷓在梁

不濡其翼彼其之子不稱其服 維鷓在梁不濡其味

彼其之子不遂其媾 薈兮蔚兮南山朝濟婉兮孌兮

季女斯飢

彼候人兮何戈與祲候人道路送迎賓客者何揭祲

父也言賢者之官不過候人彼彼曹朝也芾韠也一命緼芾黝珩再命赤芾黝珩三命赤芾葱珩大夫以上赤芾乘軒維鵠在梁不濡其翼鵠洿澤鳥也梁水中之梁鵠在梁可謂不濡其翼乎喙也媻厚也蒼蔚雲興貌南山曹南山也儕升雲也婉少貌變好貌季人之少子也女民之弱者

鳴鳩四章章六句

鳴鳩刺不壹也在位無君子用心之不壹也

鳴鳩在桑其子七兮淑人君子其儀一兮其儀一兮

經傳

一字疏內皆作壹爲長心如結兮 鳴鳩在桑其子在梅淑人君

子其帶伊絲其帶伊絲其弁伊騏 鳴鳩在桑其子在

棘淑人君子其儀不忒其儀不忒正是四國 鳴鳩在

桑其子在榛淑人君子正是國人正是國人胡不萬年

鳴鳩在桑其子七兮興也鳴鳩稭鞠也鳴鳩之養其

子朝從上下莫從下上平均如一其儀一兮心如結

兮言執義一則用心固 上文箋云淑善儀義也善人君子其執義當如一也此傳

云言執義一則用心固文句 其子在梅飛在梅也騏

綦文也 從釋文 弁皮弁也忒疑也正是也 正是也不誤鄭乃易爲正

長也下章箋正長也三字蓋本在執義不疑上

下泉四章章四句

下泉思治也曹人疾其公侵刻下民不得其所憂而思明王賢伯也

冽彼下泉浸彼苞稂  
穠我寤歎念彼周京  
冽彼下泉浸彼苞蕭  
穠我寤歎念彼京師  
芄芄黍苗陰雨膏之  
四國有王  
郇伯勞之

冽彼下泉浸彼苞稂興也冽寒也下泉泉下流也苞本也稂童梁非漑草得水而病也蕭蒿也蒼草也芄芄美貌四國有王郇伯勞之郇伯郇侯也諸侯有事

二伯述職